



Broj: 02-11-1444/22-AP-11
Datum: 06.06.2022. godine

Na osnovu člana 25. i 70. Zakona o javnim nabavkama („Službeni glasnik BiH“, broj: 39/14), člana 29. Pravilnika o internim procedurama u postupku javnih nabavki roba, usluga i radova i direktnom sporazumu („Službeni glasnik Grada Zavidovića“, broj: 1/2022) i člana 12. Privremene statutarne Odluke Grada Zavidovići («Službeni glasnik općine Zavidovići», broj: 4 /22), te preporuke Komisije za javne nabavke, u predmetu odabira najpovoljnije ponude dodjele ugovora o javnoj nabavci radova „Sanacija putne infrastrukture Vozuća“, Gradonačelnik Zavidovića, donosi

ODLUKU

Član 1.

Prihvata se preporuka Komisije za javne nabavke, te se Ponuda ponuđača „GEO-PUT“ d.o.o. MAGLAJ za javnu nabavku radova „Sanacija putne infrastrukture Vozuća“, sa ukupnom cijenom od 82.132,00 KM (slovima: osamdesetdvijehiljadestotridesetidvije i 00/100 KM) bez uračunatog PDV-a, odnosno 96.094,44 KM (slovima: dvedesetšestihiljadadevedesetčetiri i 44/100 KM) sa uračunatim PDV-om, prihvata kao NAJPOVOLJNIJA PONUDA.

Član 3.

Izabrani ponuđač ima obavezu dostavljanja dokumentacije propisane tenderskom dokumentacijom (u originalu ili ovjerenj kopiji) u roku 5 (pet) dana od dana prijema Odluke.

Član 4.

Ova odluka se dostavlja svim ponuđačima koji su učestvovali u postupku javne nabavke, u skladu sa članom 71. stav 2. Zakona o javnim nabavkama.

Član 5.

Ova odluka objavit će se na web stranici ugovornog organa istovremeno sa upućivanjem ponuđačima koji su učestvovali u postupku javne nabavke, u skladu sa članom 70. stav 6. Zakona o javnim nabavkama.

Član 6.

Ova odluka stupa na snagu danom donošenja.

O b r a z l o ž e n j e

Odlukom Gradonačelnika broj 02-11-1444/22-AP-3 od 26.04.2022. godine pokrenut je postupak dodjele ugovora za javnu nabavku radova „Sanacija putne infrastrukture Vozuća“, putem otvorenog postupka za koji je dana, 27.04.2022.godine upućeno Obavještenje broj 1374-1-3-84-3-49/22 na objavu u Informacioni sistem „E-nabavke“.

Na adresu Grada Zavidovići do krajnjeg roka za dostavu ponuda 17.05.2022. godine do 12.00 sati dostavljeno je 5 (pet) ponuda, i to ponude sljedećih ponuđača po prijemu prispjeća: 1. „HAJDIĆ“ d.o.o. MAGLAJ; 2. „GEO PUT“ d.o.o. MAGLAJ; 3. GTPD „POROBIĆ“ d.o.o.

ZAVIDOVIĆI; 4. „DOBOJ PUTEVI“ d.d. DOBOJ JUG; i 5. „MGV GRADNJA“ d.o.o. ZAVIDOVIĆI.

Komisija za javne nabavke zaprimila je pristigle ponude, izvršila njihovo otvaranje, te izvršila pregled i ocijenu ponuda prema zahtjevima i kriterijima iz tenderske dokumentacije.

U postupku javne nabavke utvrđeno je sljedeće: da je pristigle ukupno 5 (pet) ponuda, da su sve blagovremeno zaprimljene i da nije bilo ponuda koje su odbačene kao neuredne u skladu sa članom 68. Zakona o javnim nabavkama.

U postupku donošenja ove odluke, posebno su cijenjene činjenice da je Komisija, pravilno i potpuno, izvršila ocijenu kvalifikovanosti ponuđača, te ocijenu prispjelih ponuda, u skladu sa kriterijima iz tenderske dokumentacije.

Nakon provedenog postupka e-aukcije dana, 30.05.2022. godine, Komisija za javnu nabavku Grada Zavidovića dostavila je Zapisnik o pregledu i ocjeni ponuda broj: 02-11-1444/22-AP-10 od 01.06.2022. godine u kojem je izvršila rangiranje ponuđača kako slijedi:

R/br	Naziv/ime ponuđača	Ponuđena cijena bez PDV-a
1.	„GEO PUT“ d.o.o. MAGLAJ	82.132,00 KM
2.	„HAJDIĆ“ d.o.o. MAGLAJ	84.600,40 KM
3.	„DOBOJ PUTEVI“ d.d. DOBOJ JUG	86.637,47 KM
4.	GTPD „POROBIĆ“ d.o.o. ZAVIDOVIĆI	88.256,00 KM
5.	„MGV GRADNJA“ d.o.o. ZAVIDOVIĆI	89.331,16 KM

Ponuda ponuđača „GEO PUT“ d.o.o. MAGLAJ u postupku javne nabavke radova „Sanacija putne infrastrukture Vožuća“, sa ukupnom ponuđenom cijenom od 82.132,00 KM (slovima: osamdesetdvijehiljadestotridesetidvije i 00/100 KM) bez uračunatog PDV-a, odnosno 96.094,44 KM (slovima: dvedesetšestihiljadadevedesetčetiri i 44/100 KM) sa uračunatim PDV-om, je ponuda sa najnižom cijenom, te se kao takva prihvata kao najpovoljnija, prema kriteriju za dodjelu ugovora utvrđen kao „najniža cijena“.

Cijeneći pravilnost provedenog postupka dodjele ugovora o javnoj nabavci radova „Sanacija putne infrastrukture Vožuća“, te datu preporuku od strane Komisije za javne nabavke, odlučeno je kao u dispozitivu ove Odluke.

POUKA O PRAVNOM LIJEKU:

Protiv ove odluke može se izjaviti žalba u roku od 10 (deset) dana od dana prijema. Žalba se izjavljuje ugovornom organu u pisanoj formi direktno, ili preporučenom poštom pošiljkom. Žalba se podnosi u najmanje tri primjerka.


Dostavljeno:

1. Učesnicima u postupku
2. U spis.

PO OVLAŠTENJU GRADONAČELNIKA
broj: 02-45-9/22-AP-56 od 02.06.2022. godine
SEKRETAR GRADSKOG VIJEĆA ZAVIDOVIĆI

Samira Pinjić, dipl. pravnik

Obradio/la: 
(Sanela Mulahasanović)

Kontrolisao: 
(Midhat Bajramović)